

April 30, 2009

**INAAKONIGEWIN GAA DIBAAJIGAADEG
MANIDOOBAA GICHI -ONASHOWEWIGAMIGONG**

**Owe inakonigewin Manitoba Floodway Amendment Act daa-izhise
ji ozhichigaadeg miikana waabanong nakey Winnipeg Zaaga'iganiing
ikidod Lemieux.**

Manidoobaa Gichi-ogimaa wii-onatoonaawaa' onashowewin ji-ozhichigaadeg miikana ji-aabadak waabanong nakeya'ii Winnipeg Zaaga'iganiing omaa Manidoobaa. Owe inakonigewin da-wiji'iwesemagan onachigaadeg owe izhichigewin. Mii owe ekidod gichi-ogimaakaan Ron Lemieux noongom.

"Aazha ginwezh Anishinaabeg gaa-ayaawaad waabanong nakeya'ii zaaga'iganiing ogii-andawendaanaawaa' miikana ji-ozhichigaadenig gabeya'ii ji-aabajichigaadenig." Owe miikana oada-wiji'igonaawaa' gegoon noonde-izhichigewaad gechiwaag odishkoniganiwaang. Nawach igaye da-wendagindeni ningoji izhaawaad gemaa gegoon naanaasikamowaad ji-aabajitoowaad imaa nakeya'ii.

Wiinawaa gichi-ogimaag oga-naagajitoonaawaa' owe izhichigewin aayaazhoog ji-ayizhaang aabajichigaadenig owe miikana. Owe izhichigewin gii-inaakonigem ji-izhichigaadeg miikan 170 km ji-akwaag. PR 304 jiigaya'ii Manigotagan izhi Bloodvein izhi gwayak Berens River. Zhigwa gaye da-ganawaabanjigaade wegonen miinawaa ge-izhichigengiban imaa nakeya'ii.

Owe inakonigewin da aanjinikaade Manitoba Floodway Authority zhigo Manitoba Floodway and East Side Road Authority izhi, ikido gichi Ogimaakaan Lemieux.

Lemieux gii-inaakonige bakaan da-izhinaakeni Manitoba Floodway Authority izhi ayiing Manitoba Floodway dago East Side Authority da-izhinikaadeni. O'owe dash onahowewin Da-izhigemagan jidebwemagak waabanong nakeya'ii gaa-ayaawaad gechiwaag imaa Anishinaabeg mazina'iganing Promises to Keep Report gaa-izhinikaadeg. Gaa-gii-giizhichigaadeg 2004 gaa-akiiwang. Ogimaakaan Eric Robinson gaa-niigaanishkang iwe Culture, Heritage, Tourism zhigwa Sport. Gii-giigido giishin ayaamagak miikana gabeya'ii ji-aabajichigaadegiban da-minosewag imaa eyaawaad, mii zhigwa noongom da-izhiseni ji-ayaawaad miikana imaa nakeya'ii.

"Gichi-ogimaakaanag owe gaa-inanokiiwaad wiidanokiimaawaa' anishinaabe' ji-wiji'igowaad anishinaabeg ondinamowaad anokiiwin imaa nakeya'ii," ikid Ernie Gilroy gaa-niigaanishkang owe inakonigewin. "Owe ge-izhichigeng da-minose ji-gashki'ewiziwaad gegoon noonde-izhichigewaad."

Ogimaakaan Lemieux ikido onjida anishinaabeg ji-wiiji'igowaad owe gaa-wii-izhichigeng. Ji-wiiji'iwewaad dazhiikigaadenig owe izhichigewin zhigwa ji-ondinamowaapan anokiiwin imaa gechiwaag gaa-ayaawaad.

“Anishinaabeg wiiji'iwewag owe izhichigeng zhigwa gaye niigaan da-ani-wiiji'iwewag ji-giizhichigaadeg owe miikana ji-wiiji'igowaad gaa-ayaawaad waabanong nakeya'ii zaaga'iganiing.” Ikido ogimaakaan Lemieux.

Owe izhichigewin ji-giizhaakonigaadeg zhemaag igiweg gaa-naagajitoowaad aaniin ezhisenig gechiwaag bagwadakamig gegoon izhichigaadenig imaa, igiwe East Side Road Authority, Inc. gaa-inindwaa gii-onasaawag ji-wiiji'iwewaad. January 30, 2009 gaa-izhiseg, gii-mooshkinebii'igem imaa Manitoba Conservation gichi-ogimaa. Apii gii-odaapinigaadeg owe mooshkinebii'igewin, 2010 izhiseg ani-dagwaagig mii apii ge-maadanokaadeg owe miikana eshkwa dazhiikigaadeg Rice River Road gaa-izhinikaadeg zhigwa bakaan gegoon gaa-dazhiikigaadegin.

Geyaabi gegoon noonde-gikendaman iwe East Side Transportation Initiative ezhinikaadeg, maagonan www.eastsideroadauthority.mb.ca

ODAANAANG GAA GII IZHICHIGENG DAGOSIN

East Side Transportation Study Area



